



# WWW.MY.GOV.GE

## ს ა ი ნ ფ ო რ მ ა ც ი ო ფ უ რ ც ე ლ ი

გამოშვება #62 მარტი, 2018

### გამოშვებაში წაიკითხავთ

### განაცხადების მიღება დაიწყო - ეროვნული კიბეროლიმპიადა 2018

**1** განაცხადების მიღება დაიწყო - ეროვნული კიბეროლიმპიადა 2018

**2** საქართველოს პარლამენტში ახალი ელექტრონული სერვისების პრეზენტაცია გაიმართა

**3** „მონაცემთა გაცვლის სააგენტოს“ წარმომადგენლებმა საერთაშორისო კონფერენციაში მიიღეს მონაწილეობა



საქართველოს იუსტიციის სამინისტროს „მონაცემთა გაცვლის სააგენტოს“ სამთავრობო კომპიუტერულ ინციდენტებზე სწრაფი დახმარების ჯგუფი CERT.GOV.GE, იწყებს ეროვნულ კიბეროლიმპიადაში მონაწილეობის მსურველთა განაცხადების მიღებას. კიბეროლიმპიადის მიზანია კიბერუსაფრთხოების სფეროს განავითარების ხელშეწყობა და პუპულარიზაცია, ასევე იმ პერსპექტიული ახალგაზრდების გამოვლენა და წახალისება, რომლებიც ფლობენ შესაბამის ტექნიკურ ცოდნასა და კომპეტენციას.

კიბეროლიმპიადაში მონაწილეობის მიღება შეუძლია კიბერსაკითხებით დაინტერესებულ ყველა ახალგაზრდას, რომელსაც არ შესრულებია 25 წელი.

ოლიმპიადაში მონაწილეობის მიღების მსურველებმა უნდა ჩამოაყალიბონ მაქსიმუმ 3 წევრისგან შემდგარი გუნდი და წარმოადგინონ შესაბამისი განაცხადი. გუნდი შეიძლება ასევე შედგებოდეს 1 ან 2 მონაწილისგან.

ეროვნულ კიბეროლიმპიადაზე დაისმება კიბერუსაფრთხოების გავრცელებული შეტევის ვექტორების ამოცანები, რომელთა გადაჭრაშიც ერთმანეთს გუნდებად დაყოფილი სტუდენტები შეეჯიბრებიან.

ოლიმპიადის მონაწილეები სხვადასხვა კვლევითი და ლაბორატორიული სამუშაოს შედეგად გააანალიზებენ და გამოიკვლევენ 10 განსხვავებულ შემთხვევას და უპასუხებენ 50 შეკითხვას (თითოეული შემთხვევის ირგვლივ სხვადასხვა სირთულისა და წონის 10 შეკითხვა) (გაგრძელება გვ. 2).



[www.justice.gov.ge](http://www.justice.gov.ge)



[www.house.gov.ge](http://www.house.gov.ge)



[www.my.gov.ge](http://www.my.gov.ge)



[www.sda.gov.ge](http://www.sda.gov.ge)



[www.napr.gov.ge](http://www.napr.gov.ge)




[www.archives.gov.ge](http://www.archives.gov.ge)



[www.nbe.gov.ge](http://www.nbe.gov.ge)



[www.notary.ge](http://www.notary.ge)



[www.matsne.gov.ge](http://www.matsne.gov.ge)



[www.eauction.ge](http://www.eauction.ge)



[www.tbilisi.gov.ge](http://www.tbilisi.gov.ge)

(გაგრძელება. დასაწყისი გვ. 1) მიღებულ პასუხებზე დაყრდნობით კი დაითვლება საბოლოო სტატისტიკა. ეროვნული კიბეროლიმპიადის ხანგრძლივობაა 1 დღე.

იმისათვის რომ, ოლიმპიადის მონაწილემ შეძლოს აღნიშნულ ღონისძიებაზე დასწრება, აუცილებელია ფლობდეს საბაზისო ცოდნას შემდეგ სფეროებში: ნეტვორკინგი, კრიპტოგრაფია და ვებ დეველოპმენტი (Networking, Scripting, Web development).

ახალგაზრდა თაობის განათლება და დახელოვნება საქართველოს იუსტიციის სამინისტროს სსიპ „მონაცემთა გაცვლის სააგენტოს“ ერთ-ერთი პრიორიტეტია. კიბეროლიმპიადის მეშვეობით ახალგაზრდებს მიეცემა შესაძლებლობა გაიღრმავონ ცოდნა ისეთ სფეროში, როგორცაა კიბერუსაფრთხოება. დღევანდელ პირობებში განსაკუთრებით მნიშვნელოვანია კიბერუსაფრთხოების მაღალი დონის მიღწევა და შენარჩუნება, რასაც შესაბამისი უნარ-ჩვევებისა და ცოდნის სპეციალისტები ესაჭიროება. ეს არის უნიკალური შანსი ახალგაზრდებისთვის, ურთიერთშეჯიბრის პირობებში წარმოაჩინონ საკუთარი თავი და გაიღრმავონ ცოდნა.

ეროვნული კიბეროლიმპიადის გამართება 2018 წლის 7 მაისს, სასტუმრო „რედისონ ბლუ ივერიაში“.

განაცხადების მიღების ბოლო ვადა: 3 მაისი, 2018

შემოსული განაცხადების საფუძველზე სპეციალური ჟიურის მიერ შეირჩევა 50 გუნდი.

დაინტერესებულმა ახალგაზრდებმა კიბეროლიმპიადის რეგისტრაციისთვის უნდა გამოგზავნონ გუნდის დასახელება, გუნდის წევრთა რეზიუმეები (წევრთა რეზიუმეები სავალდებულო არ არის) და საკონტაქტო ინფორმაცია ელ. ფოსტის შემდეგ მისამართზე: [cybercube@dea.gov.ge](mailto:cybercube@dea.gov.ge) ;

დამატებითი ინფორმაციის მიღება შესაძლებელია შემდეგი არხების გამოყენებით: ტელ.: 291 51 40;

ვებგვერდი: [www.dea.gov.ge](http://www.dea.gov.ge) ;

FB გვერდი: <https://www.facebook.com/certgovge>

## საქართველოს პარლამენტში ახალი ელექტრონული სერვისების პრეზენტაცია გაიმართა



მობილური აპლიკაციისა და პარლამენტის ვებგვერდის საჯარო ინფორმაციის მოდულის გამოყენებით შესაძლებელი იქნება პარლამენტის საჯარო ინფორმაციის გაცნობა, საკანონმდებლო საქმიანობაში ჩართვა და პარლამენტში შეკითხვების გაგზავნა.

ახალი ელექტრონული სერვისები, რომლის მიზანია ხელი შეუწყოს პარლამენტის ღიაობასა და საკანონმდებლო პროცესში მოქალაქეთა ჩართულობას, შემუშავებულია ევროკავშირისა (EU) და გაეროს განვითარების პროგრამის (UNDP) ხელშეწყობით, ინფორმაციის თავისუფლების

განვითარების ინსტიტუტთან (IDFI) თანამშრომლობით.

თანამედროვე ტექნოლოგიებისა და ინოვაციების გამოყენება საჯარო მმართველობის გაუმჯობესებაში არის ღია მმართველობის პარტნიორობის ერთ-ერთი მნიშვნელოვანი ამოცანა. ღია პარლამენტის სამოქმედო გეგმის ერთ-ერთი ვალდებულება სწორედ არის საჯარო ინფორმაციის მოდულის შექმნა და პარლამენტის საქმიანობასთან დაკავშირებით ინფორმაციაზე წვდომის გამარტივება, მათ შორის, დოკუმენტების ადვილად დასამუშავებელ ფორმატში განთავსება.

## „მონაცემთა გაცვლის სააგენტოს“ თანამშრომლებმა საერთაშორისო კონფერენციაში მიიღეს მონაწილეობა



25 მარტიდან 31 მარტის ჩათვლით საქართველოს იუსტიციის სამინისტროს სსიპ „მონაცემთა გაცვლის სააგენტოს“ წარმომადგენლებმა მონაწილეობა მიიღეს მე-12 საერთაშორისო კონფერენციაში სახელწოდებით „ციფრული საზოგადოება და ელექტრონული მმართველობა“, რომელიც რომში გაიმართა.

ეს კონფერენცია მსოფლიო მასშტაბის ერთ-ერთი ყველაზე მნიშვნელოვანი ღონისძიებაა, რომელსაც ესწრებიან სხვადასხვა ქვეყნის საჯარო, კერძო, აკადემიური სექტორის წარმომადგენლები, სახელმწიფო დელეგაციები და კერძო პირები. კონფერენცია ორგანიზებულია IARIA-ის (The International Academy, Research and Industry Association) მიერ.

ღონისძიებაში მონაწილეობა დაიგეგმა ევროკავშირის აღმოსავლეთის პარტნიორობის ინიციატივის მიმართულებით GIZ-ის მიერ განხორციელებული პროექტის „ელექტრონული მმართველობა მოქალაქეებზე ორიენტირებული და გამჭვირვალე ადმინისტრაციული პროცესებისთვის“ სამუშაო შეხვედრის ფარგლებში.

კონფერენციის განმავლობაში „მონაცემთა გაცვლის სააგენტოს“ წარმომადგენლებმა მონაწილეობა მიიღეს ელ-მმართველობის, ჭკვიანი ქალაქის, ელ-ჩართულობის, ელ-სწავლებისა და სხვა მსგავს სესიებში. აღმოსავლეთის პარტნიორობის ქვეყნების წარმომადგენლებთან სამუშაო შეხვედრაზე ასევე დაიგეგმა GIZ-ის პროექტის ფარგლებში სამომავლო შეხვედრის თემატიკა და სამუშაო პროცესი.

იხილეთ ჩვენი საიტები

[www.dea.gov.ge](http://www.dea.gov.ge); [www.my.gov.ge](http://www.my.gov.ge)

მონაცემთა გაცვლის  
სააგენტო

უნივერსიტეტის ქ. 50  
თბილისი 0102, საქართველო  
ტელეფონი: (+ 995 32) 291 51 40  
ელ.ფოსტა: [info@dea.gov.ge](mailto:info@dea.gov.ge)

საქართველოს იუსტიციის სამინისტრო

მონაცემთა გაცვლის  
სააგენტო



თუ ხართ ახალი მომხმარებელი ან კვლავ გსურთ საინფორმაციო ფურცლის გამოწერა, გთხოვთ გამოაგზავნოთ ელექტრონული შეტყობინება მისამართზე: [info@dea.gov.ge](mailto:info@dea.gov.ge) და სათაურში მიუთითოთ “Subscribe” ან დაარეგისტრირდეთ თქვენი ელექტრონული ფოსტის მისამართი ვებ გვერდზე: [www.e-government.ge](http://www.e-government.ge)

თუ არ გსურთ, მონაცემთა გაცვლის სააგენტოს საინფორმაციო ბიულეტენის მიღება, გთხოვთ